



# Tuhaqtitjutikhaq

Qilamik Tuhaqtitjutikhaq

## Nunavunmi Hilaup Aalannguqtirninganut Qaritauyakkuurut

**IQALUIT, Nunavut (Qitiqauyaqvia 27, 2012)** – Hilaup aalannguqtirninganut naunaitkutakhat, naunaitkutat, ilihainikkut pivikhat hungiutirinikkut atuqtakhat piinnariaqaliktait Nunavunmiutat aullaqtirutaanut ublumi uumani hilaup aalannguqtirninganut Nunavut Climate Change Centre (NC<sup>3</sup>) qaritauyakkuurutaani.

Aullaqtirutigiya Nanngariyauyuq James Arreak, Nunavunmi Ministanga Avatiliqiyikkut, una NC<sup>3</sup> qaritauyakkut takuyakturvia naunaititniaqtait Nunavunmiutat hilaup aalannguqtirninganut tunihilituklu hilaup aalannguqtirninganut naunaitkutakhanik, pivikhanik, ikayuutikhanik, Inuit Qaujimagatuqangit, naunaiyainikkut ikayuutikhat, tuhaqtitjutinullu uumunga hilaup aalannguqtirninganut malikhautivallianikkut hulilukaarutikhanut nunami.

“Pitjutikhaqaqluni hungiutinikkut aalannguqtiinaliktumut avatingni hakugiknia Nunavunmiutat atuqpaktaptingni,” uqaqtuq Minista Arreak. “Quviahuktugut tunihivluta ukuninga pivikhanik nunallaanut atuquvlugillu naunaitkutanik kangikhipkailutiklu hilaup aalannguqtirninganut nunallaamingni, nunami nunakyuamilu.”

Takuyakturvikhaq havaarihimayaat Kavamanga Nunavut Avatiliqiyitkuni ikayuqhiklutik ukunanga havaktauyamullu Natural Resources Canada’s Regional Adaptation Collaborative Program, ikayuqpaktut nunallaanik upalungaiyakhutik hungiutilugulu nunamingni pitjutigiyaaptingnut hilaup aalannguqtirninganut. Aalat iayuqtit ilauyut ukuat Pivalliyuliyitkut Ingilrayuliyitkullu, Nunavut Research Institute, Arctic Net aallallu kavamaungittut ukuatlu Inuit katimayit.

Takuyakturlugu qaritauyakkut uumani [www.climatechangenunavut.ca](http://www.climatechangenunavut.ca).

###

### Tuhagakhanut Uqaqvikhaq:

Jacque Pepper  
Atannguyaq Tuhagakhanut, Ilinniaqtuliyiyikkut Kangikhitjutikhanullu  
Avatiliqiyikkut  
Hivayautaa: (867) 975-7721  
Qaritauyakkut: [jpepper@gov.nu.ca](mailto:jpepper@gov.nu.ca)

News releases are available in Inuktitut, English, Inuinnaqtun and French on [www.gov.nu.ca](http://www.gov.nu.ca).  
Tuhaqtaghat ittut Inuktitut, Qablunaatit, Inuinnaqtun Uiviititullu talvani [www.gov.nu.ca](http://www.gov.nu.ca).  
Les communiqués de presse sont disponibles en inuktitut, en anglais, en inuinnaqtun et en français à : [www.gov.nu.ca](http://www.gov.nu.ca).